

PAILIMON

Kipihac wê Pol kivuu vô Pailimon ge

¹ A, Pol, hixôn il lig Timoti, xii kivuu kipihac ga vô ông Pailimon. Pailimon, ông ge xii lig yuac wê xii xêmyaa vin lec ông ge. Tibii vông a lam dô vac kalabuhu ên wê a mi nêl Yesu Kîlisi xolac ge, om a kivuu kiyang ga i loc vô ông,

² di i loc vô il lig vêx Apia hixôn, di i loc vô Akipas wê xe xôn mi vông yuac xolac xêkizêc ge, di i loc vô xomxo vông vinên vîhati wê xam mi kitucma vac ông bom ge.

³ Vizid nivîha yuu kiyang malehe wê il mag Anutu yuu Apumtau Yesu Kîlisi vông ge i hivun xam xôn.

Pailimon vông i vin Yesu di xêyaa vin lec lie vông vinên

⁴ Pailimon, tiyi lec buc vîhati wê a mi kitaa vô Anutu ge od a mi xovô ông vac kitaaên di a pîmil Anutu ên ông,

⁵ ên a ngô wê ông vông i vin Apumtau Yesu di ông xêmyaa vin lec xomxo vông vinên vîhati ge.

⁶ Il xôn vông i vin mi dô tîbed vac xolac nîlô, om a kitaa vô Anutu lec ông ên a nêb ông dô nivîha vac vông vinên, ên vyac xovô vizid nivîha vîhati wê il kô vô Kîlisi ge.

⁷ A lig Pailimon, ông xêmyaa mi vin lec lime vông vinên vîhati di ông mi ngîdu he xôn di vông he nîlô vô nivîha, om môp wê ông vông

ge vông a xêgyaa vô nivuha di vông a nilôg vô viyin maên.

Kiyang lec Onisimas

⁸ Ông môt tibêge, mêgem a nêb a ob nêl kiyang ti vô ông. Ên môt nivuha ti yêp wê a nêb ông vông ge, di a tiyi wê a ob nêl xêkizêc lec Yesu lê bê ông vông môt tige lê,

⁹ lêc a nêb a ob kidu ông lêm. Ên u xêdyaa vin lecma, om a nêb a ob lum nêl kiyang vô ông. A, Pol, a vô kipwoc di gwêbaga a lam dô vac xumac kalabuhu ên wê a mi nêl Yesu Kîlisi xolac ge,

¹⁰ om a nêb a ob nêl vô ông lec a nug Onisimas. Ên a lam dô vac kalabuhu lê, lêc Onisimas ngô Yesu xolac wê a mi nêl ge di vông i vin, om tu a nug vông vinên ti.

¹¹ Vixôhilôg, ilage Onisimas tu ông num yuac pileva, lêc o vông yuac nivuha wê ob ngidu ông xôn ge lêm. Lêc gwêbaga tiyi wê ob vông yuac nivuha wê ob ngidu u xôn ge.

¹² A xêgyaa vin lec Onisimas luu vêl, lêc gwêbaga a vông i lôc ên a nêb i lôc vô ông.

¹³ Tîbii vông a lam dô vac kalabuhu ên wê a mi nêl Yesu xolac ge, om a nêb Onisimas i tu ông mamnôn di dô hixôn a ên viac a vac kalabuhu.

¹⁴ A xo bêga lê, lêc a nêb ông obêc lee yuu lec lêm ge od a ob hôm Onisimas xôn lêm. Ên a nêb a ob kidu ông bê ông vông môt tige lêm. Nge, a nêb ôcông va xovô nivuha wê ông ob vông vô a ge, lêc vông.

¹⁵ Ilage Onisimas pec ên ông đi lam dô teva ên ông nipwo tya, léc kehe bêga bê obêc lôc mi loc vô ông đi muu dô luta.

¹⁶ Léc gwêbaga Onisimas obêc mîlôc dô xocbê ông num yuac ilage lêm. Nge, obêc dô tiyi xocbê u lig vông vinên ti wê u xêdyaa vin lec i ge. Ên a ga, a xê i tiyi xocbê a lig wê a xêgyaa vin lec i ge, léc ông ge, ông xêmyaa obêc vin lec i luu vêl, ên Onisimas ge ông num yuac wê ob vông yuac vô ông ge, đi i ge ông lim vông vinên êno.

¹⁷ Mêgem ông obêc xovô bê a ga ông lim wê u xôn mi vông yuac xolac ge od ông léc viac Onisimas nivîha i tiyi xocbê ông viac a nivîha ge.

¹⁸ Léc Onisimas obêc vông ông susu ti vô nipaên ilage, me myaviwen ti obêc yêp vô i ge od aca va obêc vông vac.

¹⁹ Mêgem a Pol, aca va kivuu kiyang ga ya vîgêg bêga bê a obêc hi myaviwen wê Onisimas vông ge. Vixôhîlôg, myaviwen wê a nêl xolac vô ông ilage yêp vô ông lê, léc a ob nêl kiyang lec tige lêm.

²⁰ A lig Pailimon, u xôn vông i vin Kîlisi, om a nêl lec Apumtau lê bê ông vông nivîha vô a đi vông a nîlôg i vô vîyin maên.

²¹ Kiyang wê a kivuu vac kipihac ga, a xovô ên a nêbê ông obêc ngô đi vông i vô nôn lec, đi a xovô hixôn bê ông obêc vông mốp nivîha ya hixôn i luu kiyang wê a nêl ga vêl.

²² Đi kiyang ngwe, a nêb ông viac xumac nîlô wê a ob dô vac ge ti, ên a vông i vin ên a nêb Anutu ob ngô kîtaaên wê xam mi kîtaa lec a ge

dì ob vông a lôc mì loc vô xam.

²³ Epaplas wê xii xôn dô vac kalabuhu ga lec wê xii mì nêl Yesu Kìlisi xolac ge, i mì xo ông om nêl vidiên vô ông.

²⁴ Mêd Mak yuu Alistakas dì Dimas yuu Luk, he ma ti wê xe xôn vông yuac xolac ge, he êno nêb ob nêl vidiên vô ông.

²⁵ Xêyaa vin lecên yuu vizid nivîha wê Apumtau Yesu Kìlisi vông ge i viac xam.

Yesu Xolac
The New Testament in the Patep Language of Papua
New Guinea
Nupela Testamen long tokples Patep long Niugini

copyright © 1986 Wycliffe Bible Translators, Inc.

Language: Patep

Translation by: Wycliffe Bible Translators

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2016-09-14

PDF generated using Haiola and XeLaTeX on 18 Apr 2025 from source files dated 31 Aug 2023

3d2c844d-4bc8-590b-bbf2-3a5fcd1f7ad8